

ხელშეკრულება ID №02-03/86
საკონტროლო-სალარო აპარატის მომსახურების შესახებ

ქ. [თბილისი]

11 მაისი, 2023 წელი

ერთის მხრივ, შპს „ჯორჯიან სერვის ნეთვორკი“ (ს/ნ: 406049823) წარმოდგენილი იურისტის გიორგი წაქაძის სახით (შემდგომში - „მიმწოდებელი“), და მეორე მხრივ, ა(ა)იპ „აგროსერვის ცენტრი“ (ს/ნ:445399391) წარმოდგენილი დირექტორის რაულ თავართქილაძის სახით, (შემდგომში - „შემსყიდველი“),

„მიმწოდებელი“ და „შემსყიდველი“ ცალ-ცალკე წოდებული როგორც „მხარე“, ხოლო ერთობლივად - როგორც „მხარეები“ ვხელმძღვანელობთ რა საქართველოს მოქმედი კანონმდებლობით და „სახელმწიფო შესყიდვების შესახებ“ საქართველოს კანონის მე-3 მუხლის პირველი პუნქტის „ს¹“ ქვეპუნქტის შესაბამისად, ვაფორმებთ წინამდებარე ხელშეკრულებას, შემდგომში - („ხელშეკრულება“) და ვთანხმდებით შემდეგზე:

მუხლი 1. ტერმინთა განმარტება

1.1 თუ კონტექსტიდან სხვა რამ არ გამომდინარეობს, წინამდებარე „ხელშეკრულების“ მიზნებისთვის ქვემოთ მოცემულ ტერმინებს აქვთ შემდეგი მნიშვნელობა:

- ა) **საკონტროლო-სალარო აპარატი(სსა)** - საქართველოს კანონმდებლობით დადგენილი მოთხოვნების შესაბამისად რეგისტრირებული საკონტროლო-სალარო აპარატი, რომელსაც წინამდებარე „ხელშეკრულების“ საფუძველზე მომსახურებას უწევს „მიმწოდებელი“;
- ბ) **მომსახურება** - წინამდებარე „ხელშეკრულებით“ გათვალისწინებული მომსახურება, რომლის გაწევის ვალდებულებასაც იღებს „მიმწოდებელი“ და რომელიც გულისხმობს სააბონენტო და საგარანტიო-ტექნიკურ მომსახურებას;
- გ) **სააბონენტო მომსახურება** - წინამდებარე „ხელშეკრულების“ საფუძველზე და მისი მოქმედების პერიოდში „მიმწოდებლის“ მიერ „შემსყიდველისთვის“ გასაწევი შემდეგი მომსახურება:
 - ონლაინ კონსულტაციას;
 - ცხელი ხაზის საკონსულტაციო მომსახურებას;
 - GPRS კავშირის უზრუნველყოფას და მონაცემთა შესაბამის ბაზებსა თუ სერვერებზე მიწოდებას.
- დ) **საგარანტიო და ტექნიკური მომსახურება** - წინამდებარე „ხელშეკრულების“ მოქმედების პერიოდში „მიმწოდებლის“ მიერ წინამდებარე „ხელშეკრულებით“ განსაზღვრული სსა-ა(ებ)ის შეკეთება/ტექნიკური გაუმართაობის აღმოფხვრა, გარდა იმ შემთხვევებისა, თუ ასეთი დაზიანება ან/და გაუმართაობა გამოწვეულია „შემსყიდველის“ ან სხვა ნებისმიერი მესამე პირის განზრახი ან გაუფრთხილებელი მოქმედების შედეგად ან/და სსა-ს არასათანადო მოხმარების შედეგად.
- ე) **სსა-ს რეგისტრაცია** - საკონტროლო სალარო აპარატის ფუნქციონირებისთვის აუცილებელი რეგისტრაცია, რაც გულისხმობს სსა-ს მესაკუთრისა და სამეწარმეო ადგილის შესახებ ინფორმაციის სათანადო ბაზებში ასახვას;
- ვ) **სსა-ს რეგისტრაციიდან მოხსნა** - სსა-ს ფუნქციონირების შეჩერება და წინამდებარე „ხელშეკრულების“ შეწყვეტა;
- ზ) **საგარანტიო პერიოდი** - პერიოდი, რომლის განმავლობაშიც მოქმედებს წინამდებარე „ხელშეკრულება“ და „მიმწოდებელი“ „შემსყიდველს“ აწვდის მომსახურებას, იმის და მიუხედავად თუ რა პერიოდი გასული „ხელშეკრულების“ დადებიდან;
- თ) **არასაგარანტიო მომსახურება** - მომსახურება რომელზეც არ ვრცელდება საგარანტიო მომსახურება;
- ი) **ცვლადი მაკომპლექტებელი** - სსა-ს შემადგენელი ნაწილები და მაკომპლექტებლები, რომელთა რესურსის შევსება/ამოწურვა ხდება სსა-ს ფუნქციონირების შედეგად და ისინი ექვემდებარება შეცვლას. „ცვლადი მაკომპლექტებელია“: ფისკალური მეხსიერების ბარათი, ელექტრონული ჟურნალი, და სხვა. სსა-ს მესაკუთრის ან/და სხვა სარეგისტრაციო მონაცემების ცვლილებამ შესაძლოა გამოიწვიოს „ცვლადი მაკომპლექტებელ(ებ)ის“ შეცვლა;
- კ) **GPRS კავშირი** - სსა-ს ფუნქციონირებისთვის აუცილებელი კავშირი, რაც უზრუნველყოფს ინფორმაციის მიწოდებას სსიპ შემოსავლების სამსახურისთვის;
- ლ) **სააბონენტო მომსახურების საფასური** - „შემსყიდველის“ მიერ „მიმწოდებლისთვის“ „სააბონენტო მომსახურების“ მისაღებად წინსწრებით გადასახდელი თანხა. „სააბონენტო მომსახურების საფასურის“ ოდენობა ერთ სსა-ზე განისაზღვრება ერთ საანგარიშო თვეზე 5 (ხუთი) ლარით დღგ-ს ჩათვლით;
- მ) **საგარანტიო და ტექნიკური მომსახურების საფასური** - „შემსყიდველის“ მიერ „მიმწოდებლისთვის“ „საგარანტიო და ტექნიკური მომსახურების“ მისაღებად წინსწრებით გადასახდელი თანხა. „საგარანტიო და ტექნიკური მომსახურების

- საფასურის“ ოდენობა ერთ სსა-ზე განისაზღვრება თვეში 5 (ხუთი) ლარით დღგ-ს ჩათვლით;
- ნ) წელი - „მომსახურების“ გაწევის მინიმალური პერიოდი, რომლის მისაღებადაც „შემსყიდველი“ წინასწარ უხდის თანხას „მიმწოდებელს“ წინამდებარე „ხელშეკრულებით“ დადგენილი წესით. „მომსახურების“ მინიმალური პერიოდი ამოიწურება მომდევნო წელს წინამდებარე „ხელშეკრულების“ დადების თვესა და რიცხვში;
- ო) **ექსპრეს მომსახურება** - „მიმწოდებლის“ დამატებითი სერვისი, რომელიც არ არის „მომსახურების“ ნაწილი და რომელიც ექვემდებარება დამოუკიდებლად ანაზღაურებას;
- პ) **განვადება** - საბანკო ან ფინანსური დაწესებულების მიერ სსა-ს შეძენის მიზნით „შემსყიდველისთვის“ მიცემული სესხი, კრედიტი ან სხვა სახის ფულადი თანხები;
- ჟ) **შიდა განვადება** - „მიმწოდებლის“ მიერ „შემსყიდველისთვის“ განვადებით გაცემული სსა, „შიდა განვადებაზე“ შეთანხმების შემთხვევაში „შიდა განვადებას“ არეგულირებს „მხარეთა“ შორის გაფორმებული ცალკე ხელშეკრულება;
- რ) **დავალიანება** - „შემსყიდველის“ ფინანსური ვალდებულება „მიმწოდებლის“ მიმართ, რაც წარმოიშობა „სააბონენტო მომსახურების საფასურის“ ან/და „საგარანტიო-ტექნიკური მომსახურების საფასურის“ გადაუხდელობის, ნაწილობრივ გადახდის, „ექსპრეს მომსახურების“ ან „შიდა განვადების“ ხელშეკრულებ(ებ)ით ნაკისრი ვალდებულებების შეუსრულებლობის/დარღვევის ან/და „არასაგარანტიო მომსახურების“ გაწევით.
- ს) **მომსახურების საფასური** - სააბონენტო მომსახურების საფასურისა და საგარანტიო და ტექნიკური მომსახურების საფასურის ჯამი თითოეულ სსა-ზე ერთი საანგარიშო წლის ჭრილში.

მუხლი 2. ხელშეკრულების საგანი

- 2.1 „მიმწოდებელი“ იღებს ვალდებულებას შესაბამისი ანაზღაურების საფუძველზე „შემსყიდველის“ საკუთრებაში არსებულ, ამ მუხლის 2.2. პუნქტში აღნიშნულ, საკონტროლო-სალარო აპარატ(ებ)ს, გაუწიოს „მომსახურება“, „შემსყიდველი“ კი, თავის მხრივ, იღებს ვალდებულებას „მომსახურების“ მიღების მიზნით „მიმწოდებელს“ წინსწრებით გადაუხადოს შესაბამისი საფასური (CPV 64212500 - GPRS მომსახურება - 360,00 ლარი; 72260000 - პროგრამულ უზრუნველყოფასთან დაკავშირებული მომსახურებები (DY00130436) - 39,00 ლარი;).
- 2.2 საკონტროლო სალარო აპარატ(ებ)ის მონაცემები:

სსა-ს N	სსა-ს მოდელი	ლუქის ნომერი	მომსახურების ვადა
DY00130436	daizy e.Expert	-----	11/05/2023 – 11/05/2024
DY00130433	daizy e.Expert	-----	27/05/2023 – 25/05/2024
DY00156814	daizy e.Expert	-----	24/05/2023 – 24/05/2024

მუხლი 3. საგარანტიო და ტექნიკური მომსახურების გაწევის წესი და პირობები

- 3.1 სსა-ს „საგარანტიო პერიოდი“ აითვლება მისი წინამდებარე „ხელშეკრულების“ დადების დღიდან და ძალაშია სსა-ს მოქმედების ვადით.
- 3.2 იმ შემთხვევაში თუ დაზიანებული სსა-ს „საგარანტიო და ტექნიკური მომსახურების“ გაწევას სჭირდება 48 (ორმოცდარვა) საათზე მეტი, დაზიანების აღმოფხვრამდე „მიმწოდებელი“ „შემსყიდველს“ უზრუნველყოფს სარეზერვო სალარო აპარატით. სარეზერვო სალარო აპარატი „მიმწოდებლისთვის“ დაბრუნებულ უნდა იქნეს იმავე მდგომარეობაში, რა მდგომარეობაშიც ის იყო „მიმწოდებლისთვის“ გადაცემის დროისთვის.
- 3.3 „მიმწოდებლის“ მიერ „შემსყიდველისთვის“ წინამდებარე „ხელშეკრულებით“ გათვალისწინებული „საგარანტიო და ტექნიკური მომსახურების“ გაწევა ხორციელდება „მიმწოდებლის“ სერვის-ცენტრებში, შესაბამისი ტექნიკური პერსონალის მიერ, აღნიშნული მომსახურების მისაღებად „შემსყიდველი“ ვალდებულია დაზიანებული სსა საკუთარი ხარჯით მიაწოდოს „მიმწოდებელს“ შესაბამისი სერვის-ცენტრში. დაზიანების აღმოფხვრის შემდეგ „შემსყიდველი“ ვალდებულია საკუთარი ხარჯით წაიღოს სსა „მიმწოდებლის“ შესაბამისი სერვის-ცენტრიდან.
- 3.4 ყოველგვარი ეჭვის გამორიცხვის მიზნით, „მხარეები“ მიუთითებენ, რომ იმ შემთხვევაში, თუ სსა-ის დაზიანება გამოწვეულია „შემსყიდველის“ ან სხვა ნებისმიერი პირის მხრიდან სსა-ს შიდა მოწყობილობაში შესვლის მცდელობის, სხვა ნორმალური გამოყენებისგან განსხვავებული მოხმარების, ფორს-მაჟორული შემთხვევის (როგორც ეს განმარტებულია ქვემოთ), ვანდალიზმის ან ნებისმიერი პირის მექანიკური ზემოქმედების შედეგად, ასევე სსა-ს დაზიანების ან/და ნებისმიერი ნაწილის დაკარგვის შემთხვევაში „შემსყიდველი“ კარგავს „მიმწოდებლისგან“ „საგარანტიო და ტექნიკური მომსახურების“ მიღების მოთხოვნის უფლებას.
- 3.5 „საგარანტიო და ტექნიკური მომსახურება“ მათ შორის და არა მხოლოდ, არ ვრცელდება ელემენტ(ებ)ზე, დამტენზე (კვების ბლოკი) და კაბელზე. იმ შემთხვევაში თუ ხსენებული ნაწილები არ ფუნქციონირებს გამართულად და „შემსყიდველს“ სსა შეძენილი აქვს „მიმწოდებლისგან“ „ხელშეკრულების“ დადების მომენტში, „შემსყიდველი“ ვალდებულია წინამდებარე „ხელშეკრულების“ დადებიდან 1 (ერთი) კვირის ვადაში მიმართოს „მიმწოდებელს“ ნაწილის შეცვლის ან შეკეთების მოთხოვნით და წარუდგინოს ნაწილები გარეგანი დაზიანების გარეშე. აღნიშნული

ვადის გასვლის შემდეგ, „მიმწოდებელი“ უფლებამოსილია შეაკეთოს/შეცვალოს ხსენებულ ნაწილები შესაბამისი ანაზღაურების გადახდის სანაცვლოდ.

- 3.6 „საგარანტიო და ტექნიკური მომსახურება“ არ ვრცელდება „ცვლადი მაკომპლექტებლ(ებ)ის“ შეცვლაზე თუკი შეცვლა განპირობებულია „ცვლადი მაკომპლექტებლ(ებ)ის“ რესურსის შევსებით/ამოწურვით, ასევე ახალი ან მეორადი სსა-ს რეგისტრაციაზე ან/და რეგისტრაციიდან მოხსნაზე.
- 3.7 იმ შემთხვევაში, თუკი სსა-ს ან მისი ნაწილის შეკეთებაზე არ ვრცელდება „საგარანტიო და ტექნიკური მომსახურება“ ან/და გასულია წინამდებარე „ხელშეკრულების“ მოქმედების ვადა, „მიმწოდებელი“ უფლებამოსილია განახორციელოს დაზიანებული სსა-ს არასაგარანტიო ტექნიკური მომსახურება, შეკეთების დროისთვის მის მიერ დადგენილი ტარიფების შესაბამისად, შესაბამისად „შემსყიდველი“ ვალდებულია გადაუხადოს „მიმწოდებელს“ არასაგარანტიო მომსახურების საფასური.
- 3.8 „მიმწოდებელი“ უფლებამოსილია არ გაუწიოს „შემსყიდველს“ „საგარანტიო და ტექნიკური მომსახურება“ თუკი დარღვეულია სსა-ს ლუქის მთლიანობა და მდებარეობა ან/და თუ კი „მიმწოდებლის“ წარმომადგენელი სსა-ს შემოწმების შემდეგ დაადგენს, რომ სსა-ს ან მისი რომელიმე ნაწილის დაზიანება გამოწვეულია „შემსყიდველის“ ან ნებისმიერი მესამე პირის ბრალით.
- 3.9 მიმწოდებლის პასუხისმგებლობა არ ვრცელდება ჯიპიარეს სერვისის გათიშვას ან/და აღნიშნული სერვისის ხარვეზებით მუშაობაზე, რაც გამოწვეულია ელექტრონული საკომუნიკაციო ქსელ(ებ)ის მუშაობის ხარვეზით.
- 3.10 „მიმწოდებელი“ თავისუფლდება წინამდებარე „ხელშეკრულებით“ გათვალისწინებული ვალდებულების შესრულებისგან ფორს-მაჟორული შემთხვევების დროს. წინამდებარე „ხელშეკრულების“ მიზნებისთვის ფორს-მაჟორულ შემთხვევად მათ შორის და არა მხოლოდ მიიჩნევა დაუძლეველი ძალა, სტიქიური უბედურებები, ომი, სამხედრო მანევრები, პანდემია, ეპიდემია, სამთავრობო დადგენილებები და სხვა მოვლენები, რომლებიც შეუძლებელს ხდიან „მიმწოდებლის“ მიერ ნაკისრი ვალდებულებების შესრულებას.

მუხლი 4. მიმწოდებლის უფლებამოსილება

- 4.1 „მიმწოდებელი“ უფლებამოსილია დროებით, ნაწილობრივ ან/და მთლიანად შეუჩეროს ან/და შეუწყვიტოს „შემსყიდველს“ მომსახურება თუ:
- ა) „შემსყიდველის“ მიერ „მიმწოდებლისთვის“ არ განხორციელდება „ხელშეკრულების“ მე-6 მუხლით გათვალისწინებული „მომსახურების საფასურის“ დროულად და სრულად გადახდა. „მიმწოდებელი“ უფლებამოსილია სსა-ს „მომსახურების“ გააქტიურებისთვის „შემსყიდველს“ მოსთხოვოს დამატებით საფასურის გადახდა.
 - ბ) „შემსყიდველმა“ სსა(ები) შეიძინა განვადების საშუალებით და „მიმწოდებელს“ საბანკო ან სხვა ფინანსური დაწესებულებიდან მიღებული აქვს წერილობითი მოთხოვნა „მომსახურების“ შეწყვეტის შესახებ;
 - გ) „შემსყიდველმა“ „მიმწოდებლისგან“ შიდა განვადებით შეიძინა სსა და დაარღვია/არ შეასრულა/არაჯეროვნად შეასრულა განვადების ხელშეკრულებით ნაკისრი ვალდებულება;
 - დ) „შემსყიდველი“ სარგებლობს „მიმწოდებლის“ ექსპრეს მომსახურების სერვისით და დაარღვია/არ შეასრულა ექსპრეს მომსახურების სერვისის ხელშეკრულებით ნაკისრი ვალდებულება.
- 4.2 მიმწოდებელს უფლება აქვს არ გაუწიოს შემსყიდველის სსა(ებ)-ს „რეგისტრაციიდან მოხსნის მომსახურება“:
- ა) თუ „შემსყიდველს“ გააჩნია „დავალიანება“ „მიმწოდებლის“ მიმართ, აღნიშნული „დავალიანების“ დაფარვამდე;
 - ბ) თუ „შემსყიდველმა“ სსა შეიძინა განვადებით შესაბამისი დაწესებულებიდან, დავალიანების არ არსებობის შესახებ ოფიციალური ცნობის ან შესაბამისი თანხმობის „მიმწოდებლისთვის“ წარმოდგენამდე.
- 4.3 „მიმწოდებელი“ უფლებამოსილია „შემსყიდველს“ მოკლე ტექსტური შეტყობინების, ელექტრონული ფოსტის ან/და „მიმწოდებლის“ ვებ. გვერდზე ინფორმაციის გამოქვეყნების მეშვეობით მიაწოდოს ინფორმაცია „მიმწოდებლის“ მიერ დანერგილი სიახლეების ან/და „ხელშეკრულების“ პირობების დაზუსტების/შეცვლის შესახებ. „შემსყიდველი“ აცხადებს თანხმობას, რომ „მიმწოდებელმა“ მისი მონაცემები გამოიყენოს პირდაპირი მარკეტინგის მიზნებისთვის. „შემსყიდველს“ უფლება აქვს, „მიმწოდებელს“ ნებისმიერ დროს მოსთხოვოს მის შესახებ მონაცემთა პირდაპირი მარკეტინგის მიზნებისათვის გამოყენების შეწყვეტა.
- 4.4 „მიმწოდებელი“ უფლებამოსილია შეამოწმოს სსა(ებ)ი ადგილზე დათვალიერების გზით. ამ შემთხვევაში „შემსყიდველი“ ვალდებულია უზრუნველყოს „მიმწოდებლის“ წვდომა სსა-ზე.
- 4.5 „შემსყიდველი“ თანხმობას გამოთქვამს, რომ „მიმწოდებელმა“ დაამუშაოს „შემსყიდველის“ მიერ მოწოდებული ინფორმაცია წინამდებარე „ხელშეკრულებით“ გათვალისწინებული „მომსახურების“ გაწევის მიზნით, ასევე „მიმწოდებლის“ ბიზნეს საქმიანობისთვის საჭირო მიზნებისთვის, ან/და მოთხოვნის შემთხვევაში მიაწოდოს აღნიშნული ინფორმაცია სასამართლოს ან სახელმწიფო ორგანოებსა თუ საჯარო სამართლის იურიდიულ პირებს.

მუხლი 5. შემსყიდველის უფლებამოსილება

- 5.1 „შემსყიდველი“ უფლებამოსილია:
 - 5.1.1 ისარგებლოს წინამდებარე „ხელშეკრულებით“ განსაზღვრული „მომსახურებით“ „მიმწოდებლის“ სამუშაო დღეებსა და საათებში;
 - 5.1.2 ისარგებლოს შეუზღუდავად შემოსავლების სამსახურთან GPRS კავშირის მომსახურებით, კავშირისთვის დადგენილი პირობების გათვალისწინებით;
 - 5.1.3 „მიმწოდებლის“ სამუშაო დღეებსა და საათებში ისარგებლოს მიმწოდებლის ცხელი ხაზის მომსახურებით;
 - 5.1.4 მოსთხოვოს „მიმწოდებელს“ ინფორმაცია წინამდებარე „ხელშეკრულების“ საგანთან დაკავშირებით;
 - 5.1.5 დადგენილი წესით მოითხოვოს წინამდებარე „ხელშეკრულების“ შეწყვეტა.

მუხლი 6. მომსახურების საფასური და ანგარიშსწორების წესი

- 6.1 „შემსყიდველის“ მიერ „მიმწოდებლისთვის“ გადასახდელი წლიური „მომსახურების საფასური“ განისაზღვრება **120 (ასოცი) ლარის** ოდენობით დღგ-ის ჩათვლით ერთ სსა-ზე (სააბონენტო მომსახურების საფასური - 5 ლარი თვეში, საგარანტიო და ტექნიკური მომსახურების საფასური - 5 ლარი თვეში).
- 6.2 „შემსყიდველის“ მიერ „მომსახურების საფასურის“ გადახდა ხორციელდება „მიმწოდებლის“ საბანკო ანგარიშზე თანხის გადარიცხვის გზით წინსწრებით, ერთიანად **399 (სამასოთხმოდაცხრამმეტი) ლარის** ოდენობით.
- 6.3 იმ შემთხვევაში თუ „შემსყიდველს“ სურვილი აქვს მომსახურების პერიოდის ამოწურვამდე შეწყვიტოს წინამდებარე „ხელშეკრულება“ და მოხსნას რეგისტრაციიდან სსა(ებ), ან თუ კი სხვა მიზეზით, წყდება წინამდებარე „ხელშეკრულება“, „შემსყიდველმა“ უნდა გადაიხადოს „მიმწოდებლის“ მიერ დადგენილი ტარიფის შესაბამისად რეგისტრაციიდან მოხსნისთვის აუცილებელი მაკომპლექტებლ(ებ)ის ცვლილების საფასური.
- 6.4 პროგრამული განახლების მომსახურების ერთ სსა-ზე (DY00130436) შეადგენს - 39,00 ლარს.

მუხლი 7. ხელშეკრულების ძალაში შესვლა, მისი გაგრძელების და შეწყვეტის პირობები

- 7.1 „ხელშეკრულება“ ძალაშია მისი ხელმოწერიდან და მისი მოქმედებს 2024 წლის 30 ივლისის ჩათვლით.
- 7.2 იმ შემთხვევაში თუ სსა-ს მომსახურების პერიოდის ამოწურვიდან 1 თვის ვადაში შემსყიდველი გააფორმებს ხელშეკრულებას და აღნიშნულ ვადაში გადაიხდის მომსახურების საფასურს სსა-ს მომსახურების ვადა გაგრძელება ავტომატურად, წინააღმდეგ შემთხვევაში მომსახურების ახალი ვადის ათვლა დაიწყება პროგრამული განახლების მომსახურების გაწევის თარიღიდან, რისთვისაც საჭიროა „მიმწოდებლის“ სერვის-ცენტრში სსა-ს წარდგენა და შესაბამისი მომსახურების საფასურის გადახდა.
- 7.3 ხელშეკრულება შეიძლება შეწყდეს:
 - 7.4.1. „მიმწოდებლის“ მიერ, თუ „შემსყიდველი“ არ ასრულებს ან არაჯეროვნად ასრულებს წინამდებარე „ხელშეკრულებით“ ნაკისრ ვალდებულებებს, „შემსყიდველისთვის“ შეტყობინების გაგზავნიდან 7 (შვიდი) კალენდარული დღის ვადაში;
 - 7.4.2. „შემსყიდველის“ მიერ, თუ „მიმწოდებელი“ არ ასრულებს ან არაჯეროვნად ასრულებს წინამდებარე „ხელშეკრულებით“ ნაკისრ ვალდებულებებს, „მიმწოდებლის“ სერვის-ცენტრში „შემსყიდველის“ წერილობითი განცხადების წარდგენიდან 7 (შვიდი) კალენდარული დღის ვადაში
 - 7.4.3. „მხარეთა“ წერილობითი შეთანხმებით;
 - 7.4.4. საქართველოს კანონმდებლობით გათვალისწინებულ სხვა შემთხვევებში.
- 7.4 „ხელშეკრულება“ შეწყვეტილად ითვლება სსა-ს რეგისტრაციიდან მოხსნით, რომლის საფასურის გადახდაც „შემსყიდველის“ მიერ ხორციელდება სსა-ს რეგისტრაციიდან მოხსნამდე.
- 7.5 „ხელშეკრულების“ სრულად ან ნაწილობრივ შეწყვეტა არ ათავისუფლებს „მხარეებს“ ნაკისრი ან/და კანონმდებლობით დადგენილი ვალდებულებების სრულად და ჯეროვნად შესრულებისაგან, ამგვარი ვალდებულების იძულებითი ან ნებაყოფლობითი შესრულების მომენტამდე.

მუხლი 8. დავების გადაწყვეტის წესი

- 8.1 წინამდებარე „ხელშეკრულებით“ დაურეგულირებელი საკითხები გადაწყდება საქართველოს კანონმდებლობის შესაბამისად „მხარეთა“ ურთიერთშეთანხმებით, ხოლო შეუთანხმებლობის შემთხვევაში დავას განიხილავს საქართველოს სასამართლო.

მუხლი 9. დასკვნითი დებულებანი

- 9.1 წინამდებარე „ხელშეკრულების“ ნებისმიერი ცვლილება ან/და დამატება დასაშვებია მხოლოდ „მხარეთა“ წერილობითი შეთანხმების საფუძველზე, გარდა წინამდებარე მუხლით გათვალისწინებული შემთხვევებისა.
- 9.2 „შემსყიდველის“ მიერ წინამდებარე „ხელშეკრულებით“ გათვალისწინებული პირობ(ებ)ის/ვალდებულებ(ებ)ის შეუსრულებლობის/არაჯეროვნად შესრულების შემთხვევაში (მათ შორის „მომსახურების საფასურის“ გადახდის

ვადის დარღვევის შემთხვევაში) მიმწოდებელი უფლებამოსილია მას დააკისროს პირგასამტეხლო „მომსახურების საფასურის“ 0,1% ყოველი ვადაგადაცილებული დღისათვის, ვალდებულების სრულად შესრულებამდე.

9.3 წინამდებარე „ხელშეკრულებით“ გათვალისწინებული „სსა“-ს რაოდენობისა და სხვა ნებისმიერი მიზეზის გამო „მიმწოდებელი“ უფლებამოსილია ცალმხრივად შეცვალოს/დააზუსტოს „მომსახურების“ ჩამონათვალი, „მომსახურების საფასური“ ან/და „ხელშეკრულების“ სხვა პირობები რაც ეცნობება „შემსყიდველს“ მოკლე ტექსტური შეტყობინების, ელექტრონული ფოსტის ან/და „მიმწოდებლის“ საიტზე გამოქვეყნების გზით. რის შემდეგაც მხარეთა შორის ფორმდება შეთანხმება. შეთანხმების მიუღწევლობის შემთხვევაში შემსრულებელი უფლებამოსილია უარი თქვას ხელშეკრულებაზე და ცალმხრივად შეწყვიტოს ხელშეკრულება.

9.4 „მომსახურების“ პირობების ცვლილება ძალაში შედის „შემსყიდველისთვის“ 9.3. პუნქტით დადგენილი წესით შეტყობინების გაგზავნიდან ან/და საიტზე გამოქვეყნებიდან 10 (ათი) კალენდარული დღის შემდეგ.

9.5 წინამდებარე „ხელშეკრულების“ რომელიმე დებულების ან/და ნაწილის ბათილობა არ იწვევს „ხელშეკრულების“ სრულ ბათილობას.

9.6 წინამდებარე „ხელშეკრულების“ ხელმოწერით ძალადაკარგულად ითვლება „მხარეთა“ შორის არსებული ნებისმიერი/ყველა ზეპირსიტყვიერი და წერილობითი შეთანხმება რაც დაკავშირებულია ამ „ხელშეკრულებით“ განსაზღვრული საკონტროლო-სალარო აპარატ(ებ)ის სააბონენტო და საგარანტიო-ტექნიკურ მომსახურებასთან.

9.7 „ხელშეკრულება“ შედგენილია 2 (ორი) თანაბარი იურიდიული ძალის მქონე ეგზემპლარად და ინახება „მხარეებთან“. ხელშეკრულება შედგენილია ქართულ და ინგლისურ ენებზე. ტექსტებს შორის სხვაობის არსებობის შემთხვევაში უპირატესობა ენიჭება ხელშეკრულების ქართულ ვერსიას.

მუხლი 10. მხარეები და მათი რეკვიზიტები

მიმწოდებელი

შპს „ჯორჯიან სერვის ნეთვორკი“

ს/ნ: 406049823

საიტი: gsn.ge

ელ. ფოსტა: info@gsn.ge

ტელ: 032 2 500 111

ს.ს. „თიბისი ბანკი“

ბანკის კოდი TBCBGE22

ა/ა GE70TB7114436080100001

გიორგი წაქაძე

შემსყიდველი

ა(ა)იპ „აგროსერვის ცენტრი“

ს/კოდი 445399391

ტელ: 0422 271 768

ელ. ფოსტა: agroservice.centre@yahoo.com

დირექტორი

რაულ თავართქილაძე